


# 11 Pegawai Kadet Terbaik PALAPES UPM



Palapes UPM bergambar kenangan bersama Tuanku Canselor.

**PUTRAJAYA** – Tuanku Canselor Universiti Putra Malaysia (UPM), Sultan Sharafuddin Idris Shah berkenan mengurniakan anugerah terbaik kepada 11 pegawai kadet Pasukan Latihan Pegawai Simpanan (Palapes) UPM pada Majlis Santapan Malam Rejimental 2010 baru-baru ini.

Pegawai Kadet Terbaik Keseluruhan (kategori Tentera Darat) dianugerahkan kepada Leftenan Muda Mohd Faizan Zolkifli dan Pegawai Kadet Kanan Terbaik Keseluruhan (kategori Tentera Laut), Leftenan Muda Norashikin Anjur.


Naib Canselor UPM, Prof. Tan Sri Dr. Nik Mustapha R. Abdullah berharap pegawai muda Palapes UPM memberikan contoh kepimpinan terbaik dalam kredibiliti graduan UPM.

"Jadikan diri sebagai contoh teladan terbaik terhadap kesejahteraan masyarakat dan negara," katanya.

Malam Rejimental merupakan majlis tahunan sempena Istiadat Pentauliah Diraja Pegawai Kadet Palapes UPM Ambilan Ke-29 (Darat) dan Ambilan Ke-4 (Laut) yang berjaya menjalani latihan ketenteraan.

Pada majlis itu, Majalah Gempur Edisi Ke-18 sesi 2009/2010 yang memaparkan profil dan aktiviti tahunan Palapes UPM turut dilancarkan oleh Baginda.

Terdahulu, Raja Muda Perlis Tuanku Syed Faizuddin Putra berkenan mentauliahkan 70 pegawai kadet Palapes UPM bagi kategori Tentera Darat dan kategori Tentera Laut di Universiti Sains Malaysia (USM) baru-baru ini.



Sultan Sharafuddin Idris Shah melancarkan majalah Gempur edisi ke 18